

YUMO MWA ELIFU-ELIFU YUMO



Ndaga ugwe, nkundwe. Ndaga ugwe, Nkundwe Shakarian.

Kangi ulubunju ulununu, binangu. Naloliloli kinunu ukuya apa mu Los Angeles kangi ulubunju ulu, pankyeni pa lubŭnganio ulukulumba ulu, kangi ulukomano ulu-lukwisa ulwa ndungu ugu gukwisa ukukilania ku Embassy Hotel. Une ngugŭlila ukubabona umwe mwesa ukukilania kula. Kangi uswe twesa tuli pasi pa bugŭlilo ubukulumba ukwagana nu Ntwa Yeso, ukumbona Umwene ukukilania kula. Umwene aŭingile ukuti Umwene ikubombaga, “kulikosa babili pamo batatu bābŭngēne palikimo,” Umwene ikuyaga pala.

² Kangi une nsisimikisye ukuti une nālyāgēne na Umwēne ulubunju ulu bo mŭmo une ngufyuka pa mafyukilo apa nkuyumba iki, akabalilo kako bōsa abandu ni fyakugŭlila ifikulumba, bikugŭlila ifyakulēmbusya kangi ukuyobapo. Kangi ikyēne kyo kinunu ukubŭngana apa na umwe, kangi ku kilundilo kya rediyo. Balipo bingi fiyo muno, abene bali. . . Une ndinkufimbilisigwa ukubuka pasi pa kipālo ikikōnge, nukuyoba ku banandi. Kangi mfibwene ifyakusuma fingi fiyo, ulutamio lwa ndumbula, kangi ubonywa ubukindanekindane ubwa mibili gyābo, kangi uswe tuli apa lilino ukwiputula ababine na bonywa.

³ Itolo bo une ngufika pamwanya pa mafyukilo. . . Une nguketa ku nnyambala unkanigale lilino. Umwene alinkwisa kwa une, kangi alinkuti, “Nkundwe Branham, ifyinja ifi fikindilepo. . .” Umwene alinkuti umwene āli nu lutamio lwa ndumbula nububibi fiyo mpaka umwene. . . abene binogonaga umwene ayaga pakufwa. Kangi āli nu lwīpŭto kuli umwēne, kangi ilipyāna lya Kyala lyālimbumbulwisye umwēne. Kangi apa umwene alipo ulubunju ulu, kubutali mmalongo-lwele gāke, itolo ikusangaluka. Popāpo ikyo kikutupela uswe ukwega ulusŭbilo ulupya.

⁴ Kangi lilino une naloliloli ngulondesya inyīpŭto sya bāndu panja nkisu kya rediyo, na mŭno. Une ukufuma pakusōka ulukomano ulu, une ngubŭka ku Europe, ukusuluka mu Africa kangi ukusyungutila, pa ngomano. Kangi iki kikubuka ukwisila mu mboniboni, popāpo ulwēne lukuyaga lukomano ulukulumba kula, une nsisimikisye. Kangi une ndinkwipilika ku fyinja ukuti u Ntwa alondile une ukuti ngomoke. Ubunini ubwakwiysisya, ubutumigwe ubwiyīsye ubu Umwene ālimbēle une, une ndikwinogona mma Umwene amalene naloliloli nu bwene tasi, ukukilania kula. Kikuboneka ngati kula kubagile ukuyako u moyo gumo kubuyobumo ubu une mbagile ukukola mu lwelo lwa Nongwainunu, yuyo uyu Umwene yo āmbēle une ukulōba kuli abandu, injila ya mu lubumbulussyo Lwamwakyala,

ukwiputula ababine. Kangi une naloliloli ngulōndesya inyīpúto syīnu, fyosa-fibili umwe bāndu apa na bēne, bali pānja pa kilundilo kya rediyo.

⁵ Une ngaya na kabalilo itolo ukwega ubusimbe nu kulūmbilila, iki une ngugūlila ukufuma pa maminiti manandi apa mu—mu . . . kiyumba iki, lōli itolo uku yoba kwa—kwa umwe utubalilo tunandi, ukufikapo ukwisibilana. Kangi ku bandu panja nkisu, une nguyaga nu lwiputulo kuli bala panja pala, papapa itolo, kangi umwe apa numwe. Kangi une naloliloli nsangalwike ukwagana na bōsa aba abanunu abinitu abapya aba une ngaganamo siku nabo, itolo ukwisa mu kulungisania na bene ulubunju ulu.

⁶ Uswe tufumile pakuya na kabalilo kakulumba mu mbombelo mmabuyo agangi. Une ndikusōka panja fiyo kangi mma, ukwene kwikōlēnie fiyo. Uswe itolo tukugela ukuyunga unsebwē ukuya mpyano pakati pa Jeffersonville, Indiana na Tucson, Arizona, kūko uswe twasāmīlēke panja pala ifyinja finandi ifi fikindilepo, ni mboniboni ya Ntwa, uyu ātutumile uswe panja kula ku . . . kisita kumanya kūko une nābūkāga. Kangi mwe bīngi ba umwe apa, ku buyo bwa Clifton, une nāyobīle kwa umwe panini bo ngāli une ngasōkāpo, kangi ku lukomano lwa ku Phoenix, isya mboniboni iyi yālīsīle. Une ndinkubabona a Bāndūmi bahano-na-babili nkibugutula.

⁷ Kangi une mmenye, ku kilundilo kya rediyo, lumo bingi ba umwe mukaya ba Inongwainunu yosa, kangi iki kibagile ukuboneka kyambutitu kwa ugwe. Iki, ikyene kyābagile ukuya kwa une, loli kilipo . . . Aligwesa uyu abagile ukulingania kalikosa, ugwe utikufimbilisigwa ukwitikisya ikyene kangi nu lwitiko. Ikyene kyo findu ifi uswe tukabagila ukulingania, ifi uswe tukufimbilisigwa ukwitikisya nu lwitiko. Uswe tukabagila ukulingania Kyala. Nayumo umundu abagile ukulingania Kyala. Umwene yo gwapamwene, kangi Umwene yo nkulumba kangi gwamaka. Uswe itolo—uswe tukwitikisya itolo ikyene panongwa yakuti ukuti uswe tumenye Umwene aliko. Kangi polelo nu lwītiko lwītu, mu kwitikisya ikyēne, Umwēne iikutwāla ilyamulo ukugomokesya nyuma kwa uswe, u lōsyo lwa Mbepo Mwikemo.

⁸ Iki, une itolo nguyapakuyobaga kwa umwe isyaikyene, utubalilo tunāndi apa, pa, njila ya “Kyala”, pamo, “ubuyo bwa bwīpūti.” Kangi ubuyo bwene ubu ugwe ubagīle ukummwīpūta Umwēne, ubuyo bwēne ntiga Umwēne isakwāganamo siku na ugwe, bubagile ukuyapo . . . Kilipo i Kipanga kimokyēne, ubuyo bumo, akabalilo kamo, abāndu bamo, mu bōsa aba Kyala akwāgāna. Kangi une ngusubila ukuti u Ntwa ikusayaga i Ndumi ku ndumbula syinu apa.

⁹ Lilino, ukwisa ku Tucson, ikyene kyaali kihesya, imboniboni sila ukuyoba kwa umwe mu Ngamu ya Ntwa. Komma yimo mwa syēne bo une mbagile ukukumbuka, ngwisakusuma aligwesa

uyungi linga abene babagile ukukumbukila akabalilo kalikosa, ukuti Umwene abombilemo ukuyoba kalikosa lōli iki kyāli Bwānalōli. Ikyene bwila kikuboneka itolo mumo Umwene ikuyoba ikyene kikubonekaga.

¹⁰ Kangi Umwene abagile, ukufwana na Masimbo, ukugomokela kwa uswe mmasiku ga bumalikiyo aga, mu luko ulu ulwa butumigwe. Ikyo kisakuyaga ukufuma pa lōsyo lwa Mbepo, nukuyobela mu ndimi, nu bubumbulusyo Bwakyala, na fyosa, ifindu ifi. Ukufwik'ikitili kwa ndumi ya Pentekosti yo iyi uswe tukuyobela ngapo umwisyugu. Ubutumigwe ubu ubwa Kristi Mwene ubwegeliligwe pakati pa bāndu Bāke, ni findu filafila ifi Umwene abombile akabalilo kako Umwene āli apa pa kisu; mu Mbili Gwake, u Nsingiligwa, iki kyo kiyabo kya Umwene, ikubomba ifindu filafila, ukuya Ndume nu Nkasi, pamo Mwalafyale na Mwehe, itolo bo lukāli lusekelo lwa Bwegi.

¹¹ Undungu ugu, u Ntwa itikisiyege, une ngunyonywa ukuyobapo pa ikyo, panja mu lusasanio lwitu apa, ku i—i Embassy Hotel, kangi mu luko lumo njege nīsibile mu njila yangu yakwiyisa iya kubomba ikyene. A—a kabalilo kangi i sala iyi uswe tukwitugasyamo, linga u mundu atikumanya yo yiliku i njila iyakubūkāko, kyo fiki ikyakubomba pamo bo bulebule ukusyumbutuka, ugwe—ugwe utikwēnda nu lwītiko kangi mma; ugwe gwe itolo kusakikisiya, ugwe kwiyegelamo. Kangi *kwiyegelelamo* ko ku—ku “kukindilila kisita bulagili ubwitikisiyege.” Polelo linga uswe tukaya nabo u bulagili ubwitikisiyege bwa bwanaloliloli ukumanya iki Kyala āyobile kikubonekaga pa buyo mu sala iyi, ngimba bo bulebule uswe tukubukangamo siku ukuketana ni sala iyi? Kangi uswe tukufimbilisigwa ukwagana nakyo ikyene, ukumanya, nu lwitiko mu Lisyu Lyake, ifindu ifi fibagile ukubombigwa lilino, kangi ubwitugasye bwa fisu, ubwitugasye bwa bandu, ubwitugasye bwa kipanga, na fyosa bo ifyo.

¹² Uswe tukufimbilisigwa ukumanya ikyo, kangi polelo bo bulebule ukwenda panja ukuketana ni ikyene. Linga ugwe utikumanya akabombelo ka ikyo, ugwe gwe itolo—itolu iki uswe twālisibile ukunkōléla, u luko lwa, mulimosa; itolo ukunyelelamo, ukusūbila ikyene kikuyaga apa, ukusūbila *iki* kangi ukusūbila *kila*, kangi “ngimba ikyene kisakuyaga?” Lōli Kyala atikulōnda uswe ukubōmba ikyo. Umwene ikulonda uswe ukumanya iki Umwene ayobilepo isya lisiku ili, kangi polelo ukwagana nakyo ikyene nu lwitiko, panongwa yakuti Umwene aayobile ikyene kikuyaga injila yila. Polelo uswe—uswe tumenye ugwe gwe Bwanaloli polelo, panongwa yakuti ugwe ukaya nalyo i lisyu lya mundu yumo kuli ikyene; ugwe uli ni Lisyu Lyake ilya ifi uswe tukufimbilisigwa ukubomba. Kangi uswe tukusubila ukuti Tata gwitu Gwakumwanya isa—isakutupaga iki kwa uswe undungu ugu.

¹³ Lilino, une nsuluménie ukuti une nātumwīle, isya iki une

nāyobága akabalilo kanini aka kakĩndĩle, isya kwĩsa ku Tucson. Kangi une ndinkwinogona, nimwene, ukuti ukwene kwaali bumalikisyo bwa bumi bwangu. Une ndinkwinogona nayumo aabagilemo siku ukwimikana ulunyomosyo lula ulwa kayilo kala aka kabonike mu mboniboni yila ulubunju lula, ukufwana isala ya kalongo ku kĩa, uyu abagile ukuya nu bũmi ukufuma ku kila. Fiki, une nisile ku Tucson, ukutendeka indendekesyo nu mwanundumiana gwangu, kuli u nkasi gwangu na—na bāna ukubuka nu mwene ukufuma pāpo une ngindile, panongwa yakuti une ninogonaga ubwene bwāli bumalikisyo bwāngu. Kangi une, mu Phoenix ni nyĩngi sya ngomano bo kikāli ikyēne ukuboneka, une nābabūlĩle umwe itolo mũmo ikyēne kikubombigwaga.

¹⁴ Ena, imyesi minandipo ukufuma pala, une nāli mmwanya mu Sabino Canyon ulubunju lumo, iki kyo itolo kululu kwa Tucson. Une nāli kumwanya kula ukwiputa. Kangi bo une ngwiputa, une nāli ni kiboko kyangu mmwanya, nguyoba, “Tāta, une ngukusuma Ugwe ukuti Ugwe kwisa mu njila yimo kundula une, mbapo une amaka, ku sala iyi une lilino nguketana. Kangi linga imbombo yāngu yimalĩke pa kĩsu, polelo une ngufimbilisĩgwa ukwĩsa kwa Ugwe. Kangi ikyēne kikaya ukuti une nsulumenie ukwisa, lōli une mmenye ukuti Ugwe kwisakupākisya isya nyũmba yāngu. Kangi une—une ngusuma itolo panongwa ya maka ku sala iyi.” Kangi ikindikimo kilinkutika ikiboko kyangu!

¹⁵ Lilino, kilundilo kya rediyo, iki kibagile ukuboneka ukuya kihesya ukuti une njobile, loli ikyene kyo bwanaloli. Kangi Kyala yo Ndongi gwangu.

¹⁶ Une ndinkukēta nkiboko kyāngu, kangi pala lwalipo ulũbo, lwali ni nyāmbi pamwanya pa kiyabo kya kikolelelo. Kangi ikyakukolelela kyene kyātendekĩgwe nu lwāmbu-ulupala, kangi itolo kyabonekaga ngati luko lwa golidi-kilĩti ikyakupinga pamwanya pa kiyabo kyakukolelela. Kangi u—u mmage gwene gwaboneka tutigi ngati ugwene gwa ulĩti mmulike ngati, o, ikindikimo ngati kromu pamo ikindikimo kikulāngala mu lumu.

¹⁷ Lilino, iyene yali sala ya kalongo pamo kalongo na yimo pamusi, kubutali pa mwanya pa kyamba. Ugwe ubagile ukwinogonela umundu (uyu une ngwipilika ukuti une ndi mu linogono lyāngu ilitalusye) ābagile ukwipilikila imile pala mu lũbo ukufuma nakumo, abāndu kuli mamailosi na mamailosi, ukolelile kila nkiboko kyāko. Une nālipilike ikya ulwēne, ukulwega nukuluyugānia ulwēmba kunyuma na kunkyēni, kangi, fiki, ulwēne lwāli lũbo.

¹⁸ Kangi une ndinkukelengania. Une ndinkuti, “Ena, lilino, ngimba kyābagilēmo siku ukuboneka kila? Apa une nimile apa, papapa, apa, kangi nayumo alipo ukusyungutula ku mamailosi na mamailosi, kangi ngimba ikyene kyāfumile kugu?” Kangi une

ndinkuti, “Ena, une—une ngusakikisya lumo ikylene kyo u—u Ntwa ikumbula une ikylene ko kabalilo kangu kabumalikisyo.”

Kangi i Lisyu lilinkuyoba kangii lilinkuti, “Ulu lo Lūbo lwa u Ntwa.”

¹⁹ Kangi une ndinkwĩnogóna, “Mulimōsa, u lūbo, polelo ulwēne lo lwa ku . . . kuli ngati u mwalafyāle, ku nsikali,” umwe mumenye, mumo abene babombelaga mu England na mabuyo amakindane. Une ndinkwinogona, “Ikyo kyo iki kili, ku nsikali.” Kangi une ndinkwinogona, “Ena, lumo une mbagisenie ukwāla a maboko gangu pa bandu, pamo . . .” Une nali nu luko losa . . . Aminogono ga bundu gabagilu ukufuluganika mosa, umwe mumenye. Ugwe utikumanya. Aminogonelo gĩtu go gāmpaka; Umwene yo nsitampaka. Polelo, kangii bo une nāli, ikylene . . . Polelo ikylene kilinkukileka ikiboko kyangu kangii une ngāmenye kũko ikylene kyābũkĩle, itolo kilinkuyonga. Fiki, linga u mundu akāpilikisye panini panandi isya findu fyamwambepo, ugwe—ugwe ubagile ukuya nsyūtano bo ulo. Ugwe ubagile ukuya gwimile pala, kuswiga iki kyabonĩke.

²⁰ Kangi Umwene alinkuti, “Imboniboni yikaya kabalilo ka bumalikisyo bwako umma. Iyene yo nongwa ya butumigwe bwako. Ulu Lūbo lula lo Lisyu. I Fungilo Sihano-na-sibili sisakwiguligwaga, ifyakubutitu ifya . . .”

²¹ Kangi polelo imilungu mibili ukufuma pala, pamo imyesi mibili, ndigi, ukufuma pala, Une nāli mmwanya nkyāmba ni kipambo kya bĩnangu akabalilo kāko ikylene kyābonĩke. Bāndũmi Bahano-na-babili, itolo ukuya pabwelu bo ugwe gwĩmile apa, balinkwisa ukupyāgilila pāsi ukufuma ku Mwanja. Amabwe mfyāmba galinkubunguluka panja nukusuluka ukufuma mu twāmba, kangii—kangii abāndu bimile pala balinkukũta nukukĩndilĩla, umwe mumenye, kangii ulufũmbi lukubebeluka kulikōsa. Kangii akabalilo kāko ikyēne kyāli, Umwēne alinkuti, “Gomokela ku kāya kāko. Lilino kisa kuyaga, u Gwāndũmi aligwesa isakuyaga kimo mwa fifungilo fya Fungilo Ihano-na-ibili.”

²² Iki, ikylene kili pa tepi. Kangii i buku lisakuyangako panja lululu, ukuya lilino ilyene lili nduko lwa kubĩkigwa mwa galamala. Mumo umwe mumenye, u galamala gwangu akaya nnunu fiyo, kangii abandu āngāli batiku . . . Umwe itolo mukufimbilisigwa ukuya bandu aba banganile une kangii mumanye akapilikilo une pa galamala gwangu. Loli umbalakyala yumo ikulibika ilyene mwagalamala kuli une, kangii ukusosya fyosa ifi—ifi . . . Ena, lumo une njobile ilisyyu ilisobi pala. Une ndikumanya nukumanya. Popāpo, une nāpilike umunduyumo ikuseka, popāpo une ngusakikisya u “kubika mu galamala” kukāli kutalusye mma. Loli bo yu nnyambala gwa ki Dutch, ugwe kunyegaga une kuli iki une ngasanusya komma iki une nguyoba, lumo.

23 Kangi akēne ko maminiti matatu lilino, une mbūligwe, ku bwigale bwa lubātiko.

24 Lilino, umwe bāndu bapala panja nkisu kya rediyo, kangi umwe mwe muli babine kangi bafūmbwe apa mu kilūndilo, ngimba umwe mubagile itolo ukubika amaboko ginu yumo pa nnine lilino akabalilo kako uswe tulinalyo ilisyu lya lwiputo kuli ababine. Lilino, Yeso aayobile, ubutumigwe Bwake ubwabumalikisyo ku Kipanga, “Ifika ifi fisakukongaga abene aba bikwitika.” “Abene,” abene aba bikwitika! “Linga abene bikubika amaboko gabo pa babine, abene bisakubumbulukaga.”

25 Gwempala Tata Gwakumwanya, uswe tuli bo bana umwisyugu, uswe tukupilikila isi Ugwe uyobile. Uswe tukwāla amaboko pa gōsa amasūmilo ga pa telefoni aga. Ugwe kubakēta abene panja nkisu panja pala, mumo abene bafūmbwe, abakubilwe. Ugwe uketile bala apa aba bo bafumbwe, bikukubilwa. Kangi uswe tukubabika abene kwa Ugwe, gwempala Kyala, nu lwitiko ulu mu Lisyu Lyako ili Ugwe uyobile, “Ifika ifi fisakukongaga abene aba bikwitika. Linga abene bikubika amaboko gabo pa babine, abene bisakubumbulukaga.” Tupaga ikylene, Ntwa, mu Ngamu ya Yeso Kristi. Amen. [Ubuyo busitakandu pa tepi—Nsimbi]

[Nkundwe Branham ikumalīsyā ulufumusyo lwakwānda lwa rediyo—Nsimbi]



26 Ndaga ugwe, Nkundwe Shakarian. Ikyene kyo naloliloli lusako ulunywamu ukugomokela kangi pa lufumusyo, ukuyoba ku bamo mwa binitu bitu panja nkisu kya rediyo, na bābo balipo apa.

27 Kangi uswe naloliloli tukubālūla ububilikiligwe ubu kwa umwe, ukwisa ku Embassy Hoteli kilabo pamūsi, ukwiputililigwa. Kangi komma kyēne ikyo, lōli ukutwāla bala bābo bo batulwanongwa kangi bala bābo bagomokile-nyuma. Linga uswe itolo tulinalo u lwiputo kuli ababine, kangi uswe tukuketa Kyala bwila ikubomba ifiswigisyo ifikulumba, loli ulo lo mwakibili. Ikindu ikinywamu kyo kupokigwa, gwīswīle na Mbepo gwa Kyala, iki une nguyobaga kwa umwe kifuki itolo utubalilo tunāndi apa, kangi u bwisusye mumo fikuti uswe tukufimbilisigwa ukwīsusigwa na Mbepo gwa Kyala.

28 Kangi ulubūmbulusyo Lwamwakyala akabalilo kingi lukukwaba ubutegambulukutu ku bandu, nukubatwala abene mu Kuyapo kwa Kyala. Akabalilo kako Kyala ikubomba ikindukimo iki—iki abene bamenye kyo kikaya-. . . ena, ikylene kikapilikisigwa. Uswe tukabagila nubumang’anyi ukunāngisya mūmo ikyēne kikubombigwa. Kyala ikubōmba ikyēne mu njila Yāke ingulumba Mwēne. Polelo ikyo kyo kikukwaba ubutegambulukutu bwa bāndu, ukumanya ukuti bulipo u Kuyapo kwa Maka pabuyobumo, ikyo kibagile ukubomba

ikindukimo iki kyo kyākukinda ukupilikisya kwa bandu, kang'i ikyo kikupela abene ukuketa kwa Kang'osi gwa Kyala. Kang'i bwila, ububumbulusyo Bwakyala, une mbūligwe, kang'i une ngwitika, nimwene, ukuti ukufwana pakati pa malongo-ntādatu, lumo, kang'i malongo-mahano-na-mabili mwa-mia, gwa butumigwe bwa Ntwa gwitu, bwāli pa bubumbulusyo Bwakyala. Kang'i Umwene abombile ikyo ukukwaba abandu. Polelo akabalilo kako abene bāli kula, Umwene alinkuti, "Pene pápo umwe mukwitika Une yo Umwene, umwe mukupyutigwaga mbutulwanongwa bwīnu."

²⁹ Lilino, ububūmbulusyo Bwakyala yo kadi ingulumba yakukwābila, ukubēga abāndu ukukēta kwa Ntwa Yeso. Kang'i Doctor F. F. Bosworth, uyu mwebingi ba umwe muli, ali mwinīnu kwa umwe, kang'i mwālimmenye umwēne, kang'i ubutumigwe bwake bwasanusyaga fingi fiyo kwa une ukuya ndumbilili unkeke. Une ndinkwanda ukubuka mu ngomano syangu, kang'i une ndinkummwaga Nkundwe Bosworth. Umwene ālisibile ukuyoba, "Ububumbulusyo Bwakyala," ubwene bo buyobelo bubisi lilino, umwene alinkuti, "Ububumbulusyo Bwakyala yo fūnya pa lusípulilo-ya-nswi." Alinkuti, "Ugwe utikunāngisyamo siku īswi i lusípulilo. Ugwe kunnāngisya umwēne sipulila, kang'i umwēne ikwisaga ukukonda sipulila kang'i ikufika ku lusípulilo." Polelo ikyo kyo iki uswe tukugela ukubomba. Ikyo kyo kyitu...uswe...Ikinyonywo kyitu ko kubatwala abandu kwa Ntwa Yeso Kristi. Kang'i Umwene yo yuyo mmayolo, umusyugu, na bwilanabwila. Polelo linga Umwene āli Mbumbulusyi mmasiku aga gakindilepo, Umwene yo Mbumbulusyi umusyugu.

³⁰ Itolo ubuketi bwa panimwene bo ngāli une ukwiputula ababine panja nkisu kya rediyo. Ukwene kwali amasiku manandi aga gakindilepo, une nālitugesye mmwanya mfyamba kuko ikindu ikikulumba kyābonike pankyene pa bakundwe kalongo-na-babili pamo malongo-mabili kula, kūko u Gwāndūmi gwa Ntwa ālisile pasi fiyo, kang'i u Lumuli ulukulumba lukubebeluka ngati kometi, ukupufuka ukusyungutula ukukinda ifyāmba, kang'i amabwe gikubebeluka pa mafiti bamia-mabili, pamo ukongelelapo, ukukilania kula, ukutumula pa mwanya pa fipiki panja. Kang'i une nālimile palapala pāsi pa Kyene. Kang'i nābabūlile abēne itolo imyesi minandi bo kikāli ikyēne kikaboneka, Ikyēne angali kikuya pala kang'i fiki kikubonekaga; nubwānaloli, ikyēne kyabūligwe ilisiku ilya pankyeni pāke. Kang'i abanyambala bōsa aba bikubopela pāsi pa magali na filifyosa, ukugela ukusōkapo pala. Abēne bakāmēnye iki kyābonike pa buyo. Kang'i Umwene āyobile kang'i alinkuyoba iki kyābagile ukuboneka pa buyo lululu ukufuma pala.

³¹ Nitugesye pa lyalabwe limo pala, palapala pala pápo Umwene ābonike, une nāli na yumo—yumo umwinangu

uyu āli na uswe, uyu āsulwīke ukufuma mmwanya mu Minnesota. Abandu bake bali apa ulubunju ulu kangi une ngaya nsisimikisye loli iki umwene abagile ukuya apa pa fimo mwa fipālo ifingi. Umwene āli Donavon Weerts, kangi unnunu umwinitu unkeke, ugwa kiLuteri uyu āpele itolo u būmi bwāke kwa Kristi kangi isusīgwe na Mbepo. Fiyo ugwakiyūfya undumiana gwa kiJeremani, kifuki fyīnja malongo matatu mbukusi, ikikolo, abāna babili pamo batatu abanini. Umwēne asāmīle ukusuluka mu Tucson itolo ukuya bapalamani na une, kūko bamia batatu pamo bamia bana basāmīle nkati ukuya bapalamani. Popāpo umwēne. . .

³² Kangi une nhobwike ukuya na bapalamani bo ulo. Abēne bikungōnga une injila yosa ukufuma ku South Africa, kangi kulikōsa ukusyūngutīla, itolo ukuya kifuki nukukēta i . . . na une, kangi ukuya na une nukwīkyela ifisangalusye fya Ntwa.

Yumo u mwinitu ugwakwiyūfya, une ngālinkētesisyemo siku fiyo mma.

³³ Ena, a bandu aba une mmenye nu kwendelana nabo bo itolo ngati nkundwe gwangu mwene, kalumbu. Une ngubakētēsya abēne, kangi kēta ywāni, linga une ngwīnogōna abēne bikusōkapo pa bugoloke, nukubasosya abene panja pa lubafu lumo nukuyobesania nabo, panongwa yakuti une mbaganīle abene. Uswe tukulonda ukwitugasya mu Lwimiko palikimo. Kangi utubalilo tumo lumo, mu ngomano, ugwe kwīnogona une nguyoba nubugāsi kwa ugwe. Ikyo kikaya ukufuma . . . iyo yikaya nongwa yakuti une ndikukugana ugwe mma, loli ikyene kikufuma ku ndumbula yangu, panongwa yakuti une—une. . . Ikyene kikufimbilisigwa ukuya itolo njila yimoyene. Yilipo injila yimoyene itolo ukumbombela Kyala, kangi iyo yo . . . Kangi uswe tukufimbilisigwa ukuya mu njila Yake, kali aminogono gitu gali fiki. Injila Yake!

³⁴ Kangi une nalinkētesīsye Donavon, kūsulo kwa mbulukutu yāke yakukililo, kwaliswīle pamo katatu ka bunywamu bwāke, kangi yabonekaga ngesefu fiyo. Ena, lilino ninogona lumo ikyo, kula ku lulangalanga ku masiku manini, ukuti kūko uswe twāfumīle ukuya, ukuti lumo umwene āli ni mitulwatulwa gya mifwa mu mbulukutu yake. Loli, ukwega ubukolelele bwa kiboko kyake, une ndinkusyagania ukuti ikyene āli kansa. Popāpo une ndinkuyoba kwa Donavon, une ndinkuyoba, “Donavon, ngimba ugwe . . . Ngimba ko kabalilo katali bulebule ikyo kili pa mbulukutu yāko?” Itolo ukusōpela umwene panja, ngati une ngāmenye. Une ndikuyoba, “Ngimba ko kabalilo katali bulebule ikyo kili pamwanya apo, Donavon?”

Umwene alinkuti, “Nkundwe Branham, ukufwana imyesi ntāndātu,” umwene alinkuti.

Une ndinkuti, “Nongwa ya fiki ugwe ukāyobilepo ikyene kwa une?”

³⁵ Umwene alinkuti, “O, ukukubona ugwe gwĩkolènie fiyo,” alinkuti, “Une ngalondaga u—u kubõmba ikylene.” Alinkuti, “Une ninogonaga itolo lumo utubalilo tumo u Ntwa abagile ukukubula ugwe.”

Polelo une ndinkuti, “Ngimba ugwe kusyagania iki ikylene kili?”

Umwene alinkuti, “Une ndi ni fundo innunu.”

Une ndinkuti, “Uko ko kotalusya.”

³⁶ Kangi ulubunju lwakibili, kisita kukinda apo, nunkolile undumiana yula pa kiboko, ulubunju lwakibili, likālipo ni likoko pa mbulukutu yāke. Ikyène kyo kyõsa kibūkile mōsa.

³⁷ Utubalilo twingi uswe tukugutila, nukugela ukutwala ku *iki*, *kila*. Pamo. . . Muketile, ikylene kyo, “Ifika ifi fisakukonga umwitiki.” Ikyene kikāyobile “linga abene babagile ukwiputula ababine.” “Linga abene bikubika amaboko pa babine, abene bisakubumbulukaga!” Uswe tukufimbilisigwa ukuya nu lwitiko, twibene, mu ifi uswe tukubomba. Umma ndaga.

³⁸ Popāpo Donavon lumo ali apa. Umwe mwisakwāgàna nu mwene. Umwene isakuyaga apa, linga umwene akaya apa ulubunju ulu, pa fimo mwa fipālo ifingi. Umwe mwisakwagana nagwe, kangi umwene isakumanyaga ubuketi.

³⁹ Kangi kiliku ikyākōngélelāpo iki une mbagile ukuyoba? Une ngwitika Luka, pamo Yohani, yumo, āyobile ikĩsu kikābagile ukwingi- . . . ukukolelela, ukwingisyamo amabuku aga gābagile ukusimbigwa isya ifi Umwene ābombile pakati pa bandu mmasiku ga bumalikisyo aga; mūmo ababine babumbulusigwe, abakinwelwa bikubāngigwa, ma elifu ga abene, kangi uluko lōsa lwa mbungo nu bonywa.

⁴⁰ Lilino, umwe panja nkisu kya rediyo, na apa, une ngolelile apa lilino ulukufi ulunywamu lwa sūmilo isi sisile ukwisila mu fōni ulubunju ulu, kingikingi ukwĩmba ukufūma pāpo uswe tuyile apa. Kangi polelo uswe. . . Mia-yumo-namalongo-mahano-na-mana-na-ntāndatu ifyakusuma fisile muno ulubunju ulu, ukwisila mu fōni, ukufuma mūmo uswe tuyilile muno. Polelo unko uswe tukwingile ndwiputo lilino bo aligwesa. . . Kulikosa kuko umwe muliko, panja nkisu, bika amaboko ginu yumo pa nnine, linga umwe mwe bitiki. Linga mma, bika ikiboko kyako pa li Bangeli pamo ikindukimo panja pala, akabalilo kako uswe tukwiputa apa na apo.

⁴¹ Gwempala Tata Gwakumwanya, akabuketi akanini ka Donavon Weerts, itolo kamo mwa maelifu, Ntwa, ukuti Ugwe uli gwaipyana fiyo. . . Une ngusuma ukuti Ugwe kukētāga pasi mu ndumbula sya bandu mosa-mubili apa na nkisu kya rediyo. Kangi ngulamba abene, aligwesa, ayege mbumbulusigwe. Ngulamba u mbibi yula alibalekaga abēne, kangi abene balibāngigwaga ukufuma ku bonywa bwābo bōsa. Tupaga

ikyene, Tata. Mu Ngamu ya Yeso Kristi, u Mwanundumiana Gwako, uswe tukusuma ikyene. Amenii.

Ndaga Ugwe, Ntwa. . . [Ubuyo busitakandu pa tepi—Nsimbi]

[Nkundwe Branham ikumalisya ukufumusya kwa kibili kwa pa rediyo—Nsimbi]

☆☆☆☆☆☆

⁴² Mulimo, iki kyo katatu kwa une pamwanya apa ulubunju ulu. Mwe! Kangi, umwe mumenye, ukwene kwayobigwe itolo ukuti uswe tukufimbilisigwa ukusōkamo nkiyumba iki mu kifuki amaminiti kalongo na mabili, kalongo na mana, pamo ikindukimo. Kangi abalupākisyo bayobile, bābo bali mfipālo ifingi kula, kangi abēne bakabagila ukupa ifyākulya filifyosa. Ifyakulya fyītu fyakābilepo. Uswe tuli nu kwanndisya kwingi, umwe mumenye. Popāpo uswe twe fiyo, fiyo tuhobwike ukuti uswe tufumile pakuya nu lusekelo lwa jubili lwamwambepo, lwamūnda, bo mūmo une mbagile ukukikōlèla ikyene, ulubunju ulu apa ni kipambo kya banyambala abanunu iki.

⁴³ Une ngulonda uku—ukutēndeka ukuyobapo ukuti uswe tuli. . . imbombelo kāngi, kilabo pamusi, ukukilania ku Embassy. Lilino, uswe twisakwīputīla ababine pala, nukugūlīla Kyala ukwāgāna na uswe. Kangi une nisile ukubīkamo i kiyabo kyāngu, ubutumigwe bwāngu, ukutēndēka (fyōsa ifi uswe tubagile) ulukomano ulu ukuya buponjoli. Komma ubuponjoli panongwa yakuti isyene syo ngomano syitu, lōli u buponjoli bwa bāndu ukummwāga Yeso Kristi. Ubo bo buponjoli. Ingomano silisyosa, kali uswe tukuntufya Kyala bunywamu bulebule, findu filinga ifi uswe tukumbona Umwene ikubomba, kalinga Umwene ikuyoba kwa uswe mwa Mbepo, na fyosa; pēne pāpo kilipo ikindukimo kikabīgwe, imyoyo gimo gitwālīgwe nkati m'Kitangalala!

⁴⁴ Kangi Nkundwe Shakarian ātendike u—u buyobelo ubwanaloliloli itolo lilino isya iki umwēne ālinogwīne isya masiku aga gāgo uswe—uswe tukwitugalamo. Une naloliloli ngwitika ikyo ni ndumbula yangu yosa, ukuti uswe tuli nu bumi itolo ku kabalilo ka kwigala, itolo nkati mwa—itolo nkati mwa misyūngūlu gya namayolo. Ilisuba likīndile nkveni kubutali. Kangi akabalilo kako uswe tukuketa ifindu fikuboneka mumo ifyene fiyilile umwisyugu, fiki, ikyene kyo kikafu ukuyoba iki ingulilo iyingi yibagile ukutwala. Amasiku manandi aga gakindilepo. . .

⁴⁵ Itolo unko une mbapepo umwe akandukamo akanini nkati. Abēne batēndike ubulīngānio mōsa mu Arizona, kūko une ngwitugala, ubwa masukulu gōsa. Abene babapēle abāna, kisitakumanya ku bēne, ulugelo lwa mminogono. Kangi sakikisya fiki? Ukwingisyamo amasukulu gapamwanya kangi—kangi isukulu sya galamala, abēne bāli kalongo-na-lwele mwa

mia ba bāna bikukubilwa nu kutumukilwa kwa minogono. Malongo-mahano-na-mabili mwa mia ba bēne bāli baketeleli ba televiziyoni. Muketile, ifibibi, ifyene filinkuselemuka itolo pamwanya pa uswe kangi uswe tutiku. . . Ugwe kuswiga fiki ikyene kikwisa. Ugwe ubagile ukupilika a Masyu ga Kyala gikukūta ukulwana ni kyēne, kangi pōpe apa uswe—uswe tukwīyàga twibene tuniembeteligwe mu kyēne.

⁴⁶ Unko une mbapepo umwe i kindukimo ikinyomosyo. Muketile, “Komma bōsa aba bikuyoba kwa Une, ‘Ntwa, Ntwa,’ bisakwingila mula; loli uyu ikubomba ubwīgāne bwa Tāta Gwāngu.” Ubwigane Bwake lyo Lisyu Lyake. Uswetubagile ukuya biputiputi fiyo, ukuya na kabalilo akakulumba, ukulalata, ukunyēla, mu ngomano isi, ifi uswe tuli. . . Une ndiku—une ndikulonda ukuya ndonda-busobi. Lōli une ndinayo i—i mbombo iyakubōmbéla kwa Kyala, kangi u mbombo yila ko kuya gwanaloli-ndumbula nukuyoba iki Umwene ikulonda une ukuyoba. Kangi une ne—une ne naloliloli gwakupālisya panongwa ya kibugutila kya California aba bikasisye na une mu—mu mbilikisyo syāngu. Linga une ndikuyoba pa lwitiko lwangu, une ne nsyobi kangi umma, une ngaya gwabwanalolindumbula na ugwe. Kangi linga une ngabagila ukuya gwabwanalolindumbula na umwe, une nguyaga bulebule gwabwanalolindumbula na Kyala? ‘nongwa yakuti une ngubabona umwe nukuyoba kwa umwe. Ena, uswe tukubōmbéla, kwa Kyala, kōpe, lōli uswe tukufimbilisigwa ukuya banaloli-ndumbula kangi banaloli-ndumbula nu-mundu yumo nu nnīne. Uswetuli naloliloli mu i—i mbībi, imbīmbi ingulilo. Kangi ngimba ugwe gwimelemo siku. . .

⁴⁷ Itolo unko une mbapepo umwe itolo ubulīngānio ubunini. “Komma bōsa aba bikuyoba kwa Une, ‘Ntwa, Ntwa,’ bisakwingila mula; lōli yūyo uyu ikubomba ubwīgāne bwa Tāta Gwāngu.” Yeso alinkuti, pa kisu, “Umundu atisakuya nu bumi nu nkati gwene umma, loli ni Lisyu lililyosa.” I Lisyu lililyosa! Komma itolo lilino kangi akabalilo ako, i Lisyu, loli ukwisila mu Lisyu lililyosa.

⁴⁸ Ilyēne lyāli Lisyu limolyēne lyālilamwīgwe, sya Kyala. . . isya ngomelēsyo sya Kyala, ili lyāpelile ubufwe, ubusulumanie, kangī ububine bulibosa nu bubabandumbula, ukupōndwa i Lisyu lya Kyala, i Lisyu limo ntiga! Linga umwēne alyēgile uluko lwa bāndu mu bufwe, ukwisila mu kusita, ukusitakwitika i Lisyu limolyene, “naloliloli,” naloliloli. Lōli Umwēne āyobīle ikyēne kikubonekāga. Sētāno alinkuti, “Naloliloli ikyēne kitisakubōmba.” Lōli ikyēne kyābōmbīle.

⁴⁹ Polelo, uswe tukufimbilisigwa ukukyunga i Lisyu lililyosa ilya Kyala. Kangi linga u bundu nu bōsa ubukubilwe ubu ni findu ifi filinkukinda pa luko lwa bundu, ukwisila mu kuniongasya, pamo—pamo ukusitakwitika i Lisyu limolyene, uswe tukugomokelaga bulebule ukwisila mu kupondwa

Limolyene, linga icyēne kyālyegile u ntēngo gōsa ugu, bópe nu būmi bwa Mwanundumiana Gwāke?

. . .bingi bikukōlelígwa, . . .banandi bikusalígwa.

. . .bingi bikukōlelígwa, . . .banandi bikusalígwa.

⁵⁰ Une ngabagila ukwēga ubusīmbe ukufuma pa iki, lōli, panongwa yakuti uswe tukaya na kabalilo, lōli itolo ukuleka ikindukimo na umwe.

⁵¹ Unko uswe twinogone isya . . . Une nābūkile ilisiku limo nu Nkundwe Shakarian, kūko abēne bapāpisyága ing’ombe. Kangi une ndinkukēta i—i. . . mu laboratore kūko Nkundwe Shakarian ālinyēgilēko une mula. Kangi abēne balinkuyubika mu luyūngu lwa ng’ombe innyāmbala, itolo akanini. . . kaliti bo akōmbo akanini, akapiki ka kabiliti, kangi balinkwega akapambo ka luyungu lula, nukukibīka icyene pāsi pa ilindalasi ili ili likukusya icyene ka mia kōsa. Kangi twālimo utunini utumbeyu mu kila, mu luyungu lula. Iki, uswe tumenye imbeyu yikufumila ku kinyambala, kangi ilifumbi ukufuma ku bukikulu. Kangi une ndinkundalusyo unkemi kula, une ndinkuti, “Ngimba kyo fiki kila kikutendeka ukunyēla ukunini kula bo ulo?”

Umwene alinkuti, “Isyo syo—isyo syo ngambako innini ni ngwāta.” Muketile?

Kangi une ndinkuti, “Nkati mu katōnnyela kanini kala?”

Umwene alinkuti, “Ena.”

⁵² Une ndinkuti, “Lumo polelo mu luyungu lōsa mula sibagile ukuyamo elifu-elifu yumo gwa syēne?”

Umwene alinkuti, “O, ena.” Muketile? Lilino, kētésya kifuki.

⁵³ Lilino, akabalilo kāko ikindu ikikulumba iki kikuboneka, pala lilipo ilifumbi limolyene likugūlila imbeyu yimoyēne ukufuma mu elifu-elifu yila. Kangi akayapo nayumo abagile ukuyoba yo yiliku i mbeyu yo yīyo, pamo lyo lifumbi liliku ili lyo lílyo. Linga ugwe kukētesya ubupāpigwe bwa nkipeligwa, ubwēne bo bwa mbutitu ukukinda—ukukinda ubupāpigwe bwamfūnde. Panongwa yakuti, mu luyungu ulu, alipo yumo mula uyu atendekilenganila ukuya mūmi, kangi bosa ba abene bisakufwa. Kangi icyēne yikaya yākwanda iyi yikwāgāna; icyēne yo yākwanda ukwisa palikimo ni lifūmbi. Lumo ilifūmbi libagile ukufyūka mmwanya ukufuma ku nyuma kwa luyungu, pamo pakati pa luyungu; imbeyu yibagile ukubōmba lulalula, i lifūmbi. Uluyūngu lukwāfulila mu lifūmbi, kangi akanswigala akanini kakugwīla panja pa icyēne, kangi pala yikwāndako inyuma. Yilipo yimoyene ntiga nkati mwa nsigo gōsa gula, ugwa elifu-elifu, iyi yisakufwanisya icyēne, yimoyēne ntiga; kangi yila yisisimikisigwe nu Bugute bumo ubusitakumanyigwa, kwa mūndu. Lōli ugwe gwe, aligwesa, bafwane, aligwesa gwa mbeyu sila sili itolo sifwene. Ikindu kilakila mu finyamana. Ikindu kilakila mu mūndu. Ikyene kisisimikisigwe kalí iyene yikuyaga

ndumiana, ndindwana, nkesefu-kuntu, ntitu-kuntu, pamo fiki. Iyene yisisimikisigwe na Kyala. Bōsa ba abēne bikuboneka lulalula, mukipeligwa, lōli kilipo kimo nkati mula iki kīmikígwe ku būmi; yumo mwa elifu-elifu yumo, lōli bōsa ba abene bafwene.

⁵⁴ Akabalilo kākō Israeli āsōkilémo mu Igupto, bālipo kifuki abandu maelifu-elifu mabili bāsōkile pa kabalilo kamokene. Aligwesa gwa bēne āpilíke i ndumi ya nsololi. Aligwesa gwa bēne āyibwéne i Mbanda ya Moto. Aligwesa gwa bēne ālyōsígwe kwa Mōse, mu Nyānja Ingese fu. Aligwesa gwa bēne baywégile mwa—mwa Mbepo, bakomaga ifisekese nukubopa-bopa ukufyuka nukusuluka pa kiloboko, na Miriamu, akabalilo kākō Mōse ālimbile mwa Mbepo. Abēne, aligwesa, bānwile ukufuma ku Lyalabwe lilalila ilyamwambepo. Abēne, aligwesa, bālyága a Manna amapya ikilo kilikyosa. Aligwesa gwa bēne! Lōli bālipo babili aba bafwānisye i kīsu, yumo ukufuma mwa elifu-elifu yumo.

⁵⁵ Ngimba u lugelo lwāli fiki? Abēne bōsa bikunwa mu Lyālabwe ilyamwambepo lilalila, abēne bōsa ukulya a Manna amamíkémō mūmo uswe tukulya ulubunju ulu, lōli u lugelo lwa Lisyu lwasisimikisye abēne. Akabalilo kako ikylene kikwisa ku kabalilo ka Kadesh-baraneya, akabalilo kako abene bandege ukubuka nkisu ikifingigwe, kangi abene balinkutoligwa ukubuka ukukilania mpaka abene bageligwe ni Lisyu. Kangi bosa aba—abangi bāgomokile kunyuma, nu kuti, “Uswe tukabagila ukukupela ikylene! Abāndu bali ngati. . . Uswe tuliti ngati mbāsi ku bēne, utwaya twābo utwalupaso utukulumba. Amatati manywamu fiyo.”

⁵⁶ Lōli Yoshua na Kalebu balinkubakibīsiya a bāndu. Abēne balinkuti, “Uswe tuli bakīnda babagili ukubōmba ikyēne!” Fiki? Kyala āyobīle, bo abēne bakāli bakasōkāpo, ikīsu kyālufíngo, “Une mbapēle umwe i kīsu. Une mbapēle ikyēne kwa umwe. Ikyēne kyo kyāko.” Loli aalipo yumoywene ukufuma ku elifu-elifu yumo.

⁵⁷ Balipo kifuki maelifu-elifu bamia-bahano aba bikoleligwe-lūlo Bakristi nkisu kyapāsi umwisyūgu, kangi i lisiku lililyosa likumalisya i ngulilo. Kangi lilino, bule linga u Kunyakiligwa kukubonekaga umwisyugu na bandu bamia bahano, nkisukyosa, bābagile ukwegigwa mu Kunyakiligwa? Ugwe angali utikumanyamo siku pamo nukubabona mu kalatasi gwa nongwa, isya abēne ukubūka. Kangi u Kwisa kwa Ntwa kuli ko Kwisa kwakwifisa. Umwene isakwisaga nukwiba ukusōsyāpo. Ikyēne kisakuyaga fiyo banīni, mpaka. . .

⁵⁸ Itolo mumo ukwene kwayilile mmasiku akabalilo kako abafundigwa bandalusisye Yeso, “Nongwa ya fiki aba Simbi bikuti ukuti—ukuti Eliya abagisenie ukwisa tāsi?”

Umwene alinkuti, “Umwene isile iyolo, kangu umwe mukakimenyemo ikyene.”

⁵⁹ Ngimba umwe mwinogwinemo siku iki abāndu bābōmbile? Abēne bākindilile nkyeni ukwitika ukuti Mala-...ukuti Mal-...Eliya isakwisaga. Kangu umwene ali papapa pakati pabo, kangu abene bakakimenyemo ikyene.

⁶⁰ Momumo ukwene kwisakuyilaga pa kwisa kwa Mwanundumiana gwa mundu! Abene bisakubombaga nu Mwene itolo ikindu kilakila. U Mbepo gwa Kyala ali apa. Ena, ngimba uswe tukubombaga fiki ni Kyene? Ngimba uswe tukuyaga pakulya a Mana, na fyosa bo ifyo, kangu nukusita nukukindilila ukwenda mmwanya bo uswe tukukula?

⁶¹ Ngimba umwe mukētesīsyēmo i mbeyu, bo mūmo u Njindikigwa Pitts āyobaga utubalilo tunandi tukindilepo, kangu mumo imbeyu yikubuka mu mfu? Imbeyu nyingi sili mula mumfu. Akabalilo kako Kyala endaga pa misi, nu Lumuli, kangu u Lumuli lukutwaligwa panja, u Kuyapo kwa Kyala kwākwānda, u Lumuli uluyobigwe lulinkwisa ni Lisyu lya Kyala. Kangu i Lisyu lya Kyala lya kindu kyene iki pōpe na lino kikutwala u Bwelu. Kangu akabalilo kāko amisi gāgomokīle, imbeyu yātālīle yili nkīsu, kangu u Lumuli itolo lwātwele panja imbeyu isi syasyele nu luyungu mu syēne, silinkutupuka. Kyala ikupela ikipeligwa Kyāke.

⁶² Kangu lilino, pa lubunju lwa Paasa lwālīpo u Lumuli ulungi lwātīkīle ikīsu, akabalilo kāko u Mbepo Mwikemo āpegīgwe. Kangu Ikyene kipegigwe ukutwala Ulumuli ku Mbeyu sila isi Kyala, ukwisila mu kumanyilanganila Kwake, āmenye ukuti kubagile ukuya apa pa kisu. Mūmo Umwēne āmenye imbeyu yakwānda iyakipeligwa, Umwēne amēnye kūko u Luyūngu lwamwambepo luli. Umbili gwāko gwālāmbalēle apa papapa apa pa kisu, akabalilo kāko Kyala ikyākwānda ātwēle ikīsu mu kuyapo. Uswe tuli kiyabo kya kisu. Uswe twālambalēle pala. Kangu ukwisila mu kumanyila-ngānila Bwake Umwene amenye katikati uyu ābagile ukunkolela Umwene kangu ywani ikumbombelaga Umwene, kangu ywani atikubomba. Ukumanyila-ngāni Kwāke kukuyoba ikyo. Linga ikyēne kitikubōmba, polelo Umwēne akaya Kyala. Umwēne akabagila ukuya Kyala kisita kuya nsitampaka. Kangu linga Umwene yo nsitampaka, Umwene amenye ifindu fyosa.

⁶³ Popāpo, ugwe kuketa abāndu bikubomba ubusobi bwābo. Abēne bikwitabānia ku kyēne. Abēne bikubōpa ku kyēne, kangu abēne bikwinogona *iki* kangu *kila*, lōli ikyēne kitikubōmba kitalusye, uswe tukukēta ikyēne. Lōli kulipo ukubōmba ikitalusye, ikyo kyo kwāgamo ubwīgāne ubupelelesye bwa Kyala nukwīma mu kyēne, iki Kyala ākubilikīle ugwe.

⁶⁴ Bo mūmo Nkundwe Jack āyobīle utubalilo tunini tukindilepo isya pāsi apa ku i—i Pershing Square, bōsa bu

bifuluganike. Yumo injila *iyi*, kangi yumo injila *yila*; kangi ukufwana na bafundakyala, na fyosa bo ifyo, ukuti ugwe kulonda ukumanya ubufundakyala bumo, buka pāsi kula.

⁶⁵ Une ngusakisya ikyo kyo itolo kiliti ngati ikyēne kiyīlile mu Hyde Park mu London. Une nāli pāsi kula, aligwesa ali ni fundo yāke mwene. Ikyene kyo—ikyene kyo kifuluganikano ikya kīsu kya lisiku-lyamwisyugu mu Babuloni.

⁶⁶ Lōli ngimba umwe mukētesisye bo—bo Nkundwe Pitts ākindilile nkyeni ni ndumi yake innunu ulubunju ulu kwa uswe? Bo umwene ikwanda ukwenda panja pa lubingilo, pala umwene alinkukāga akaluba ka Pāsa akanini. “Pakati pa bifuluganiko bōsa,” mūmo umwēne ākitwēle ikyēne kwa uswe, “ikyēne kikāli ni njila nayimo ukuyoba ‘ena’ pamo ‘umma.’ Ubwēne bwāli būmi bwa Kyala bukumulika nkati mwa kēne, pakati pa bifuluganikano bōsa.” Ilyene lyāli pala mu bubale bwāke, panongwa yakuti Kyala ālīmike akenē ukuyapo pala. Pakati pa bifuluganike bōsa, nayumo alikētesyāga ilyene. Abene bakabubwene ububombelo bwamwambepo ubwa ikyene.

⁶⁷ Kangi momumo kiyīlile umwisyūgu pakati pa mbunganio syitu syosa ingulumba ni fibugutila, ni fipanga ni fipanga-fipāguke, na fyosa bo ifyo. Yumo ikukwaba injila *iyi*, “Uswe tukufimbilisigwa ukuya abaBaptisti, pamo ukuya abaPresbeteri, bikufimbilisigwa ukuya *iki, kila*, pamo *ikingi*.” Pakati pa kyōsa ikyēne, lilipo ililuba likukula. Galipo a maka ga Kyala papapa pakati pa uswe, gikufyusigwa mmwanya mkati mwa twesa ba uswe. Unko uswe itolo twīme nukukētēsya ikyēne, amaminiti manini, kangi kētēsya ikyēne undungu ugu, kangi ukukēta ikyēne kikubālūla papapa pankyēni pa uswe. Uswe tukwitika Kyala ikubombaga ikyene. Bule umwe? [Ikilundilo kikuyoba, “Ameni.”—Nsimbi]

⁶⁸ Une nguketa ukuti uswe tubagisenie ukuya pāsi pa nyumba lilino. Polelo unko uswe twipute, aligwesa gwa uswe.

⁶⁹ Gwempala Kyala, akabalilo kako uswe tukwinamisya imitu gyitu mu Kuyapo Kwako, uswe tukwipilika ukuti uswe tutikufwana fiyo ukulalusya. Loli Ugwe ufingile kwa uswe ukuti, linga uswe tukwisaga, Ugwe utikutupikaga uswe mma. Kangi injobelo isyamatingo isi sisyo sifumile itolo ukutendekigwa, mu njila nayimo nayiliyosa i kimanyisyo, “yumo ukufuma mwa elifu-elifu yumo,” loli itolo mu luko lumo kumbukilaga. Kabuno Ugwe uyobile:

... ikipata kyo kifinyu, kangi injila yo nsekele, iyi yikulongosya ku bumi, kangi banandi bisa kuyangapo aba bisa kuyagaga iyene.

Kabuno bingi aba bikukoleligwa, loli banandi bikusaligwa.

⁷⁰ O Gwabwilanabwila Tāta, tuma u Lumuli lwa Nongwainunu ukukilania nkaya aka, ukukinda undungu ugu gukwisa

ugwa lukomano-lukulumba. Kangi linga lubagile ukuyapo u Luyungu lulilosa, mu njila yimo ukwisila mu Bwako Gwimwene ubukulumba, ubwamahala ubupi, ngati ukugela ukwegelelapo ikyene mu luyungu lwa kinyambala ni kikikulu, abene balilündukila mu lukomano-ulukulumba. U Mbepo Mwikemo alibapa abene u Bwelu. Uswe tukusyagania ukuti akabalilo kilile ukukinda mumo uswe tukwinogonela akene kali. Uswe tukusuma, KƳala, ukuti bo uswe tukwisa apa, itolo ukwitika ukuti lumo kilipo ikindukimo apa iki kibagile ukubombigwa iki kibagile ukutula abandu, pamo—pamo ukukola ing’osi yabumalikisyo yila. Uswe tumenye, akabalilo kako ikibaga kya ng’osi kikuya kiswile, polelo u Ntimi isakwigala i kifigo.

⁷¹ Mumo ukwene kwayilile mmasiku ga Noa, akabalilo kako ugwakiyabo ugwabumalikisyo ugwa kikolo atwaligwe mula, KƳala alinkwigala ikifigo. Kangi abène balinkukoma nu kutika, löli ukwene kwäli kwilile fiyo. Gwempala KƳala, abène batalile bäli nu lusako.

Ugwe gwatile, “Une ne Kifigo kila ku kibaga kya ng’osi.”

⁷² Kangi mumo lwäkutika u lwimbo ukufuma ku mwäti, “Ngimba aba malongo-lwele-na-limo-na-lwele-na-yumo bakaya bakufwana kuli Ugwe? Löli, umma, älipoyumoywene ugwakongelelapo.” Umwène abagile ukuya kang’osi akanini akatitu, pamo umwene abagile ukuya nnini nayumo, abagile ukuya nnunu umwene unkikulu pamo umwene unnyambala. Uswe tukamanya küko abène balí, löli yula ugwabumalikisyo ikufimbilisigwa ukwingila nkati kangi polelo ikifigo kisakwigaliligwa. O KƳala, Yuyo amenye ifindu fyosa, londesya umyumi gyitu ulubunju ulu. Kangi tutuma uswe kulikosa küko uswe tubagile ukubüka, ukuti uswe tubagile ukwäga yula ugwabumalikisyo yula, ukuti i kifigo ängali kikwigaligwa kangi u Ntimi nkati ni ng’osi. Tupaga ikyene, Ntwa. Linga alipo yula apa umwisyugu, linga yula uyu abagile ukwisa nkati . . .

⁷³ “Bosa aba Tata ambele Une bisakwisaga kwa Une. Kangi nayumo umundu abagile ukwisa, pene papo Tata Gwangu ankwäbile umwene.”

⁷⁴ Kangi linga kulipo ukukwäba, pamo akipilike akanini, iyo yibagile ukuya sala kuli umunduyumo apa mu kilundilo iki, apa pamo päsi pa nyumba, pamo kulikosa abene babagile ukuya, abène bali ämula, “Ena, Ntwa, une yo yula unnini ikwëmbèla yula uyu ämbelile kubutali; kangi uyu alwile ni KƳene, ubumi bwängu bösa. Une—une—une ndinkwipilika ukuti une mbagile ukwisa, löli umwisyügu une nütulike pa lubafu lwa buponjologwe. Une ngabagila ukubüka mmwanya pamo päsi. Une mbagile ukubüka injila nayimo.” O, u Ntimi unkulumba ali isaga, afikilege päsi na maboko amatofu nukutwala yumo yula nubuponesye mkati, akabike akene pa fibega Fyäke nukukatwala akeni nubuponesye ukugomokela.

⁷⁵ Lumo alipo yumo apa, Ntwa, uyu yo mbine, mu kayilo akafwane, uyu unganga ayobile, “Kikayapo nakimo kibagile ukubōmbigwa.” Umwēne āgelile ukuponesya ikyēne, lōli umwēne ātoligwe ukuponesya ikyene. Ikyene kili pabutali pakufikila kwāke. Kikayapo—kikayapo nakimo iki umwene abagile ukubōmba. Unkota gwāke pamo ummage gwāke gukabagila ukufikila ku kyene. Loli, O Ntwa, kikayapo nakimo iki kili kubutali fiyo ku kiboko Kyako ikikulumba, kang'i i Lisyu Lyako lyo kiboko Kyako. Polelo uswe tukusuma, Gwempala Kyala, ukuti, ulubunju ulu, akabalilo kako uswe tukuyoba kwa Ugwe, ukuti Ugwe kwisakufikilāga pāsi nukusala yula uyu yo mbine kang'i kakabagila ukwitula kēne, ukufuma kubufikilo bwa ndamyo syosa syasayansi, kubutali nu dokotala, abene bali bumbulusigwaga. Tupaga ikyene, Ntwa.

⁷⁶ Mūmo uswe tukwīnogōna isya Davidi, bo umwēne āpegigwe ubulagili pa ng'osi inandi, itolo inandi. Lōli ilisiku limo ikindingo kikwingila nkati nu kwegga yila yimo innini ing'osi nu kwegela iyene panja, kang'i angali kikalile akene lōsa (ngati kansa abagile ukulya losa u mbili), pamo i ngalamu inywamu. Lōli Davidi, kisita kuya ni fyombo fingi ni i—i ndusu, pamo, kisita kuya nnyambala gwa lūbo, lōli ali itolo na kafyāta, umwene aabukile ukukōnga ku ng'osi yila. Kang'i akabalilo kako umwene akyagege i—i kinyamana iki kyāli kifuki ukugoga ing'osi innini, umwene alinkukigoga ikyene ni fyaata. Itolo akalwilo akapepe akanini na kapatu ka kipapa nu ndisi, kang'i, lōli umwēne āli nu lusūbilo mu kēne.

⁷⁷ Uswe tukaya nagwe unkulumba gwāmahala pakati pa uswe, Ntwa. Uswe tuli bāndu bapepe nu lwīpūto ulunini, lōli uswe tukwisa ulubunju ulu ukukōnga ku ng'osi sya Tāta. Unkikulu yula endenekile mu ngīndi, nubupelakisa, ikukwesa ingambo, ikugela ukwāga u lutengano ukwisila mu ngambo; unnyambala yula uyu yo anūngisye indalasi nukugela ukulitugasya ilyene kunyuma, lōli u ndugu ikunkolelela umwene ukunkamandania; undumiana yula pamo undīndwāna uyu agelile ukubomba ikitalusye, uyu itolo akabagila ukugaga amaka ukubongotola ukusōka ukufuma ku kindu ikisobi; uswe tukwisa mu Ngamu ya Ntwa Yeso, ukupoka i ng'osi yila ulubunju ulu. Uswe tukupika u ndugu, panongwa yakuti ikyēne kyo kīndu kipepe, akafyāta ka lwīpūto, lōli uswe tukwisa ukutwāla ikyo ukugomokela ku kibaga kya Tāta, ukuti uswe tubagile ukupa akapāngo ka findu ifyo ifi fibīkīgwe ku kiboko kyītu. A maka ga Kyala lilino gali tika ulwitiko, pāsi mu ndumbula sya bāndu, kang'i umoyo ugwabumalikisyo gula guli gomokelaga ulubunju ulu. Ingelo sya bumi ubu sili syumbutusyaga umwene ukusōkako, mwitikisya umwene ukubuka. Kang'i umwene ali agaga mwene mponesigwe pamwanya pa fibega fya Fūndi, ukuya apīmbīgwe ukugomokela ku buponesigwe kang'i. Uswe tukusuma ikyene mu Ngamu ya Yeso. Amenī.

⁷⁸ Kyala abasaye umwe mwesa. Mpaka une ngubabonaga umwe kilabo, une ngusanusyaga ububombelo kwa Nkundwe Shakarian. [Ubuyo busitakandu pa tepi—Nsimbi]

[Nkundwe Branham ikumalisya ikiyabo kya kitatu—Nsimbi]

☆☆☆☆☆☆

⁷⁹ Iki, une—une ngusubila ukuti umwe mukwisa... ukuti une ndyagile ilipyana ilyakongelelapo pa maso ga Kyala kangi pankyeni pa umwe, ukwitika ukuti une mbagile ukwima apa ukubabula umwe ikindukimo iki kyaali kisobi. Une ngindile ilisiku lya finyinja malongo-mahano-na-ntándàtu ilyakupapiligwa, ilisiku limo. Iyi yikaya itolo Ndumi ya nnyambala unkangale mma. Une n̄tike iki ukufuma pápo une n̄ali ndumiana nnini. Kangi linga iki kikaya kyabwanaloli, une n̄jile mundu untoyofu ukukinda-bosa Kyala āyilémo nabo nkisu. Une mbele u bumi bwangu bosa ku iki Nongwa iyi. Kangi une ndiyoba iki nu bwanaloli-ndumbula: linga une nali nabo ubumi maelifu kalongo, une angali ngasanusyamo siku aminogono gangu.

⁸⁰ Lilino, ulubūmbulusyo luli nkifikilo kya mūndu aligwēsa. Kumbukilága, ulubūmbulusyo luli mwa ugwe. Kyala ābīkile mu mpiki gwa pichi kilikyōsa ikya pichi iki kyābagile ukuya mu kyēne, akabalilo kāko Umwēne ābyēle ikyēne mu Ngūnda. Muketile, ugwe itolo... umpiki gwa pichi pamo u mpiki gwa apulo, pamo umpiki gwa fipaso, itolo kikufimbilisigwa ukukula, ukufuma ukunwa a m̄si nkisu. Lilino aligwesa gwa umwe ali nabo ububagilile bula mwa umwe, ukuponesyā umwe, kabuno ikyēne yo Kyala, ukufuma pāpo ugwe ubyālīgwe mwa Kristi nu lōsyo (komma ulōsyo lwa mmisi), ulosyo lwamwambepo. Ugwe utikwisaga mwa Kristi ukwisila mu losyo lwa mmisi. Nu losyo lwamwambepo!

⁸¹ Kilabo pamusi, u Ntwa itikisyege, une nguyobela pa ikyo, *bulebule* kangi *fiki* kyo kibombelo kyanaloli kya Ikyene. Uswe tulinakyo ikyene pamusi ukuti ikyene kitisakufuluganikana na silisyosa sya mbombelo syīnu.

⁸² Lilino keta, aligwesa gwa umwe apa mwimile ukuya bitiki, muketile, polelo u Būmi ubu bwāli mwa Kristi buli mwa ugwe. Ikyēne kibagile, linga ugwe ubagile itolo ukukibona ikyēne!

⁸³ Iyene yo mbombo ya mōhési ukubakyūnga umwe mupingikigwe ukufuma ku Kila, ukubakyūnga umwe mukupililigwe. Umwene abagile itolo ukubaleka umwene mukupililigwe, iyo yo, muketile, umwe mutikumanya kūko umwe mukubūka polelo. U nnyambala uyu mfwamaso akabagila ukuyoba kūko umwene ikubuka, umwene ikufimbilisigwa ukulondalonda ukupilikisya kwa munduyumo uyu abagile ukuketa. Mpaka uswe tubagile ukupilikisya, umunduyumo ikufimbilisigwa ukutubūla uswe iki kyo Bwanaloli.

84 Kangi Kristi akufwilile ugwe, kangi ugwe ubyaligwe ukufuma nkisu ukuya mwa Kristi. Kangi kilikyosa iki ugwe kulondigwa kyo kili mulamula mwa ugwe, nu losyo lwa Mbepo Mwikemo. Ngimba ikyo kikaya kitalusye? Lilino ikindu kyene iki ugwe kufimbilisigwa ukubomba kyo itolo anda ukunwa ukufuma ku Kila.

85 Kangi mumo umpiki gukunwēla, ugwe gukwanda ukusosya panja amāni gāke, utupāndila twāke, gucusōsya panja ifipaso fyāke icyīnja kilikyosa. Ikipaso kikaya mu mfu mma; ikipaso kili mu kibyaligwa. Balinga bikupilikisya ikyo, yoba “ameni.” [Ikilundilo kikuyoba, “Ameni.”—Nsimbi] Polelo, muketile, ikipaso kili nkibyaligwa, kangi ikibyaligwa kilikyosa kikufimbilisigwa ukunwa ukufuma ku nyibuko yake. Bo ifula yikwisa pāsi, yikupa ifimela fila, ubūmi, ukunwa ukufuma. Kangi, mūmo icyēne kikunwa, icyēne kikukula.

86 Kangi icyēne kikukula mmwanya mpaka icyēne kikwisa ku ubumela bōsa, itolo ngati i Kipanga kilinakyo, ubulenge mōsa mu ngulilo iyi.

87 Kangi, bo uswe tukunwa, uswe tukukula. Loli linga ifibyaligwa fikupika ukunwa, polelo ifibyaligwa fikabagila ukukula. Kangi linga ugwe kwisa itolo ukwitika icyene lilino, pagwimwene!

88 Ena, umwe mumenye mumo u Ntwa ikubombela, ukubonesya ifindu ifikindanekindane, isya iki umwe mubōmbile kangi iki umwe mukābagile ukuti mubōmbile, na fyosa bo ifyo, mu lukomano. Uswe twasubilaga ukuti u Mbepo Mwikemo ayaga pakugwa pa uswe ulubunju ulu nu kubomba bo ulu, bo uswe tukwima. Loli une ndinkumilisya ukuguulila.

89 Une ngwinogona icyene kyo kiyabo kya lutende, ukwinogona ukuti pāsi pa nyumba iyi abene bikulonda uswe tusokemo muno, muketile. Loli abene bikulonda uswe; uswe tukābile lilino.

90 Loli itika iki, ni ndumbula yako yosa. Ngusuma bomba. Linga une—linga une ndyagile ilipyana nkyeni myinu, ukuya mundu gwabwanaloli, itika iki. Lilino bika amaboko ginu pa—pa yumo nu nnine.


91 Lilino kēta, lilino, ili Bāngēli likāyobīle, “Ifimanyilo ifi fisakukōnga William Branham.” Akāyobile, “Ikyene kikukonga u Oral Roberts mwene.” Akāyobile ukuti icyene kikukonga “Nkundwe Kopp” pamo “umunduyumo.”

92 “Ifika ifi fisakukongaga abene,” bīngi, “aba bikwitika. Linga abene bikubika amaboko gabo pa babine, abene bisakubumbulukaga.” Agēne go maka ga Kyala aga gali mwa ugwe, aga gikutwāla u Būmi ku mūndu ugwe uli ni kiboko kyāko pamwanya, u bufumilo ubupa—Bumi bwa Mbepo Mwikemo.

⁹³ Gwempala Kyala, mu Ngamu ya Yeso Kristi, mu kabalilo ka ndamio iyi akabalilo kako i kipanga . . . abene bali imililaga pa sekondi uyu, kisita lutende, kang'i a Maka aga galimfyusisye Kristi ukufuma ku lipumba, galinyenyemusyaga ku bene itolo lilino u Bwanaloli bwa Nongwainunu, iki ubulagilano bwa Yeso bwāli, linga abene “bikubika amaboko pa babine, abene bisakubumbulukaga.” Amaka gōsa ga misyētano, ububine bulibosa, imbūngo yilisyosa, ubonywa bulibosa, ikindu ikyakutamia kilikyosa iki kyābonike ku bandu, ikyēne kilisōkangamo itolo lilino nu lwītiko. Ukuya bandu bākwitika, uswe tukusuma ikyene mu Ngamu ya Yeso Kristi. Ameni.

⁹⁴ Lilino fyusya ikiboko kyako nukumpa Umwene ulutufyo, linga ugwe kwitika ukuti Umwene ikubomba ikyene.

⁹⁵ Gwempala Kyala, u mwanike uyu isakufwaga, Ntwa, pene papo iki kikubombigwa. Une ngukemela ikipinyo iki, mu Ngamu ya Yeso Kristi. Ikyēne kilindekaga umwāna unsitabusobi. Ameni.

Lilino, abagānga bāgelīle, kang'i abēne bikutoligwa. Itika itolo. 

65-0424 Yumo Mwa Elifu-elifu Yumo
Buyobwakulila Bwa Clifton
Los Angeles, California U.S.A.

KYANGONDE

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org